

光緒扶溝縣志卷之八

知縣熊燦纂修

學校志

賢宮書院

學額藏書

學田義學

扶本鄭之舊壤在義

伏義都今府治軒

黃帝都今新鄭

與商之中葉

太康初都今太

康

宋之初年皆畿內腹地固畫卦演疇

演疇臺在今西華

興理學之

區也越及近世涵泳於明道之教澤提振以空同之文章庶
乎鄉校可遊青衿歌詠志學校

賢宮

元

延祐三年縣尹趙瓊監縣塔海創修禮殿

至治元年監縣買閭忠翊修神門置學田

至正十六年監縣紐臺重修後經兵火獨廟庭尙存

明

洪武二十年知縣張遵道奉詔建大成殿五間東西廡各十間
櫺星戟門俱三間明倫堂五間在大殿後神厨神庫宰牲房各
三間存心養性齋各三間俱在明倫堂前會饌堂三間在明倫
堂後學倉五間在堂之西北射圃觀德亭在廟西學制頗備
天順三年知縣陳紀康昭相繼重修

成化十五年署縣事蘭陽縣丞石純粹改建明倫堂

十六年知縣胡宣設重門外曰崇儒內曰重道左曰義路右曰禮門建號舍二十間置神幄祭器

二十一年知縣李增修葺

宏治十七年知縣高昇重修禮殿建儒林坊

嘉靖十年知縣趙輔奉詔建啟聖祠敬一亭於文廟東

四十二年教諭胡伯涵署縣事移啟聖祠於西偏

萬曆六年知縣管應鳳修廟廡

二十六年知縣戴天德訓導石巖重修

扶溝縣重修孔子廟記

何出圖

披輿圖返南諸郡邑爲天下樞故興衰之理四國視以爲侯
夫子席不暇煖不徧九服唯是陳宋之間車且結轍豈非是
以周道易中國因以漸四隅哉夫以夫子之精神注是則後
世之尸祝孔氏振木鐸遺響宜莫急於是扶溝卽彈丸實阪
南望邑姑無暇遯攷卽明興以來士依宮牆起者鳬趨鱗貫
肩比踵接人望見指以爲文物衣冠之區舊矣則以此淵源
孔氏振起以樞四方其孰曰不然乃孔廟昔嘗稱壯麗矣嘉
隆以還人安席故役土木之爲憚乃至棲神之所不蔽風雨
雲縈彫殘藁韎莫展安所貯靈爽式四國哉會邑侯戴公來
莅茲土方嘉嚮興文而扶人士以脩葺請公以屬文學出廩
粟佐費文學石君退謀諸諸生爰布侯命倡導其先儼之豺
獮報本媿以左道之崇祀其師者一時邑中諸大夫競捐橐
裝以倡士民士若民之慕義者爭輸貲勞工役衆心旣同卜
筮襲吉率廼徒旅以肇厥功於是工集如雲役來如雨石君
者方且灑濯乃心趨雉自奮辛苦計畫明振毫末首大成殿
次翼廡次啟聖祠次戟門頌者起彫敝者新禁褊者易以軒
豁丹堊旣飾松栢有延燐郁崢嶸惛心奪目君所廢休汰者

凡七閏月始事無遺祀既事無亂指終事無訛議也卒乃底
績於是載侯吉稱善謂茲無勞於民乃亦無廢事無損於公
乃亦無虛乏豈失聖之靈實陰佑之而石君於聖門亦庸介
伐乎曷勒貞石以風來者余惟夫子之道岼幪萬世漢高過
魯一祀說者謂四百年基業始此則俎豆膺蕭匪飾治之具
明矣扶溝處中土爲腹心重地且吾先聖意注焉廟貌一新
英爽若見人心旣肅道脈滋昌凡得於趨蹌奠瘞將羹牆見
焉自茲砥節修正之七步趨興起抑必倍徒往音標準旣豎
聽睹聿新卽四邑四國豈少厚自磨礪以若於名區士哉朔
洽道化清夷皇路實維藉之是役也經始於萬厯二十六年
二月朔竣於是年九月之望
其輸貲共濟並勒之碑陰云

三十年知縣全良範修櫺星門儒林坊又燬於兵惟存大殿櫺

星門

國朝

順治七年知縣楊在陞草創兩廡各三楹

十一年知縣吳朱禎修大成殿櫺星戟門

十五年知縣王佐建啟聖祠

康熙二十四年知縣周士皇重修改作櫺星門

邑庠生郝羽翀捐石坊爲之

建明倫堂

布衣高履捐客舍爲之僅受半值

扶溝縣重建儒學記

周士皇

聖至吾夫子自京師首善之地極於郡邑之窮陬僻壤莫不立學而敬祀焉其棲神之正衙曰殿門曰櫺星曰戟石坊表其外泮水橋於中周垣丹雘金碧焜煌儼然王者之居而饗保無既可謂至盛矣故郡邑之志必志學校且必志其修建爲守令某然則非守土者之厚責歟唯其廟貌徧天下歷世既久遠是以規制廣狹之不侔守土之或勤或惰與夫父老子弟之能識理道慕義無窮以急公之急者正未可同

曰語也故凡落成之後例必貞珉以紀其事蓋以幸其成之
之難也而余特紀其事之獨易焉中州自流寇荼毒扶邑近
其衝又數被奇災戶口畧盡今休養雖數十年而生齒尙未
盡復也則措費洵難乃余一倡於前而扶之人無賢與愚無
與與不與羣相畢力於其後至有捨宅獨捐其值之半者爲
邑民高潁邑西距山數百里輦灰石頗費而邑庠生郭羽翀
忻以其祖光祿公維康所琢石坊獻諸公略不取直光祿於
荒歲捐穀千石曾題請自備建坊因兵燹未及立羽翀率弟
姪等移成櫺星門用垂不朽可謂善繼先人之志者偶池地
貯灰因獲昔人所藏遺灰百餘斛斲斲以饒計費一而爲功
幾於三倍焉何其易也習故者人情也向之棟宇旣因陋就
簡於百年前物阜民殷之日乃一旦欲拓大其規模慮無不
難色竊相非笑之謂是不爲惜物力者而顧相與是而其易
之何也况乎其費非素蓄材非素蓄發議於父老子弟初未
相信之際其爲欲速而懼成之之莫可必也亦明矣而卒易
成而無難令何修而得此於扶人哉吾於是而重有感矣感
夫民志之易以通而德化之易以動也昔二程子俱產吾楚
之西陵伯子亦常宰於此邦余承乏守茲夙夜祇懼惟恐或

背於前人尙疾其景行猶未彷彿什一也敢謂民風之遂易復古耶今由是觀之何其風俗之近古也如是何其人之急公慕義不沒於利也如是能以令之心爲心知其所先爲宜先而是非不惑也如是豈非昔賢德化之所及雖流風之遠而正心相感有不自知其志之何以油然而易動哉子曰齊一變至於魯魯一變至於道又曰斯民也三代之所以直道而行也詎不信與後之君子其亦知所景慕哉不然以葺學一事謂足以塞有司之責而昭示來茲也斯末矣

郝氏捐石坊記

何際美

康熙癸亥甲子間重修文廟將告成而櫺星門未建先是萬曆四十五年河南被災扶溝尤甚太醫院吏目郝維康出粟千石貧民賴以全活者數千百人巡按御史疏請於朝俞旨建坊未就流寇起石料散僕於道雜瓦礫中者五十年維康之孫諸生羽翀慨然曰吾祖有石坊委諸路隅若移爲文廟門亦先子所願也因謀諸弟紹祖繩祖述捐之嗟乎世祿之家鮮克由禮每見鉅族後裔至有鬻祖父賜碑爲酒食具若葺理孔廟輒吝不忍畀者多矣郝氏獨能捐千金之石則其尊師重道又曷可少哉且太醫君捐粟助賑世遠年湮故老

已無能道者而此坊巍然獨存他日過此地者必且曰此邦
君褒賜之坊而移之於此者也則廼祖之德澤藉此以不朽
而孝子慈孫之心其亦可以無憾矣

三十五年知縣趙如桓鑿泮池

五十七年知縣郁士超重修

邑人馬崇璧樹栢百株於大成殿後

雍正十一年知縣周鈺改明倫堂爲崇聖祠以崇聖祠爲忠義
祠而改忠義祠爲明倫堂

從生員盧宸等之請也

乾隆十三年知縣馬伯輅重修改兩廡各五楹

乾隆二十七年知縣董豐垣重建大成殿明倫堂並修崇聖忠

義名宦鄉賢等祠及兩廡櫺星戟門魁星樓泮池宮牆教諭毛

宣榑訓導李三德董之

四十八年知縣趙文重重修櫺星門

嘉慶元年知縣楊芝年重修

十二年知縣殷秉鏞重修泮池移於城下照壁前

同治六年署知縣馮金甲飭邑紳重修

魁星樓於明萬曆二十一年知縣劉默建於儒學東南城上

國朝順治十一年知縣蔣其昌重修

康熙五十一年生員盧完等重修

乾隆二十七年知縣董豐垣重修

四十八年一縣趙文重重修

教諭訓導宅俱在學宮後今廢學官皆賃民宅居住

學額

廩膳生二十名

增廣生二十名

附學生員無定額

武生無定額

歲考額取文章十二名武童十二名

科考額取文章十二名

咸豐十年文武各廣額一名

十一年文廣額一名

同治元年武廣額一名

八年文武各廣額一名除撥府學外文武生額各十五名

學田

學田原額三頃九十三畝二分係桑廷恩等所捐其後生員金鉉又捐地二頃三十畝

天啟四年運副何稽曾捐地一頃三十二畝五釐爲修文廟費現在共六頃二十三畝二分徵銀二十三兩徵收銀糧儒學

備文解學院衙門

書院

宋

明道書院相傳書院二字係先生親筆後遂爲明道先生祠

國朝

康熙二十九年奉文立義學知縣繆應晉建於南街路西後知縣吳士燧改建於化民臺旁東曰成人有德堂西曰小子有造堂各三楹再西爲射圃又構講堂三楹未就

五十六年知縣柳士超建敬業樂羣堂於東偏後臺西之堂與

講堂俱廢

乾隆十二年署令吳溶重修知縣楊燭改爲大程書院

十四年知縣馬伯輅捐買廢察院舊房建立雪講堂三楹

二十年知縣七十一捐銀二百兩五錢六分復勸諭紳民捐銀二百八十三兩八分俱交當商二分生息

嘉慶十三年知縣殷秉鏞捐銀一百兩復勸諭原任陽武訓導張興捐錢一千串監生郝廷杼捐銀一千兩俱交當商一分五釐生息

二十一年耆民龐日誠捐銀二百兩交鹽商一分五釐生息

乾隆三十二年知縣張映台勸諭生員高光鑑等公買地二百五十四畝八分

生員萬元英捐地十四畝九分

監生李明廷捐地四畝

耆民孫標捐地八畝二分

監生王世效捐地二十畝

千總何桂嶺捐地六十餘畝

監生張奇峯捐地四十五畝餘並當地六十七畝餘合價四百

一十千文

生員侯毓美武生侯濯漢捐錢一百零三千六百文

白潭火神會捐地九十畝餘

試用訓導嚴堃捐錢六十千文

副榜桑滌源捐地二十畝餘

生員關景新捐地十畝

生員楊允中捐地六畝餘

武生楊逢戊捐地二段九畝餘

監生李興家捐地九畝餘

監生李興仁捐地六畝餘

知縣馮爾熾捐地九畝餘

武生李紹元捐地七十餘畝

此地於十七年撥歸興文社

光緒十年知縣孟憲璋以大程書院修爲試院

詳建置內

藏書

上諭三部

欽定四書文一部

聖諭廣訓一部

上諭頒發書目價值一部

學政全書三部

藏書